

ଯୋହନ ଲିଖିତ ଦ୍ଵିତୀୟ ପତ୍ର ଜୋହନ ରାସ୍ତାମାନି ମାରିଉନ୍ତୁ ଆକୁ ଇୟା ଆକୁଦୁ ମାନି ଏସ ମାଟା

ଜୋହନ ରାସ୍ତା ଦ୍ଵିତୀୟ ଆକୁ ଜିସୁକ୍ରିସ୍ତଦି ଜନମତି ୫୦ ତାନ୍ ୧୦୦ ବାର୍ଷେକ ଲୋଇ ପେରିତ ଜୋହନଦି ମାଣାନ୍ ରାସାୟଆତା ମାର୍ହାତ୍ । ଜୋହନ ନିଜେଦିଙ୍ଗ୍ ରାସ୍ତାନିକାନ୍ ଖାଜା ଖେରଏନ୍, ତାନି ବାଦ୍‌ଲୁ ଖାନ୍ ନିଜେଦିଙ୍ଗ୍ ପ୍ରାତିନ୍ ଇଜି ଖେରନାନ୍ । ଜୋହନତି ଦ୍ଵିତୀୟ ବିସୟ ଆକୁଦିଝାଲେ ଜୋହନ ରାସ୍ତା ସୁସମାଚାରତୁ ମାନି ବିସୟତି ଝାଲେ ସମାନ୍ । ଇକା ଟିକ୍‌ତାନ୍ ଜିସୁଙ୍ଗ୍ ଆମା ଇସାବତାନ୍ ଖାନ୍ ଅରେନ୍ ଅରେନ୍ ଝାନିଙ୍ଗ୍ ଜିବନ୍‌ନୋନି ବିସୟ ଜିସୁଦି ମାଟାଦିଙ୍ଗ୍ ମନ୍ ସିନାନ୍, ଆୟାଝାଜା ଜିସୁଦି ମାଟା ମାନାଦେଙ୍ଗ୍ ଆଜିନାତ୍, ଝାନିଙ୍ଗ୍ ଜିବନ୍‌ନୋନିକା ଜହନ ୧:୫-୬, ଜୋହନ ୧୫:୯-୧୦ । ଇକା ବିସ୍‌ବାସ୍ କିଆୟଆନାତ୍ ଜେ, ଜୋହନ ଏସ୍ତିଝାଲେ ଏପିସିୟଦୁ ବାସାଜି ମାର୍ହାନ୍, ଜୋହନ ସୁସମାଚାରତି ଝାଲେ ମୁଣ୍ଡି ଆକୁ ବା ରାସ୍ତା ମାର୍ହାନ୍, ଆଜିନେ ୧ ଜୋହନ, ୨ ଜୋହନ ମାରି ୩ ଜହନ ।

ଜୋହନ ଇୟା ଆକୁଦୁ ବାସେଆତି ଆଇମା ମାରି ତାନି କଡର୍ ଇଜି ଖେରସି ମଣ୍ଡଲିଦିଙ୍ଗ୍ ଆକୁ ରାସ୍ତାନାନ୍ । ଜୋହନତି ଇୟା ଆକୁ ରାସ୍ତା ଉଦେସ୍ ଆତାତ୍ ବିସ୍‌ବାସିରିଙ୍ଗ୍ ସାହାସ୍ ସିନିକା ମାରି ମିର୍ ଗୁରୁରି ମାଣାନ୍ ଜାଗାରତା ମାଣ୍ଡେଙ୍ଗ୍ ମାନାତ୍ ।

ଇୟା ଆକୁଦୁ ମାନି ମୁକିୟ ବିସୟ

୧. ଜୋହନ ଇୟା ଆକୁ ଏ ଉଣ୍ଡିଙ୍ଗ୍ ରାସ୍ତାନାନ୍ ଇକା ଇଜି, ଝାନିଙ୍ଗ୍ ବିସ୍‌ବାସ୍ କିନିଝାରିଙ୍ଗ୍ ମାଡିସ୍ କିନାନ୍ । ୧:୧-୩
୨. ଜୋହନ ମଣ୍ଡଲିଦିଙ୍ଗ୍ ସାହାସ୍ ସିଜି ପେରିମାଟା ବିସୟତାନ୍ ମନ୍‌ତୁ ଅଡବିସ୍ କିନାନ୍ । ୧:୪-୬
୩. ଝାନ୍ ମିର୍ ଗୁରୁରି ମାଣାନ୍ ଜାଗାରତା ମାଣ୍ଡେଙ୍ଗ୍ ଇନାନ୍ । ୧:୭-୧୧

୪. ୱାନ୍ ଏମେବାନ୍ ତେବାନାନ୍ ଆବେଣି ବିସ୍ବାସିରିଙ୍ଗ୍ ଫାଡ଼ିସ୍ କିଜି ରାସ୍ନିକା ଝିସ୍ନାନ୍ । ୧:୧୨-୧୩

୧ ପ୍ରାଚିନ୍ ଜୋହନ ଯେ ନାନ୍ ଅରେଡ୍ ଆସ୍କିଆୟାଆତି ଆଇମା ମାରି ତାନି କଡ଼ରି ଲାକ୍ତୁ ଇୟା ଆକୁ ରାସ୍ସିନା । ମିଙ୍ଗ୍ ନାନ୍ ସଡ଼ ୱାଜା ଜିବନ୍ନୋନା, ମାରି କେବଲ୍ ନାନ୍ ସିଲେ, ମାତର୍ ସଡ଼ ନେସ୍ତିମାନି ଝିଜୁ ଲୋକୁ ବା ଜିବନ୍ନୋନାଡ଼ ।

୨ ଆମା ସଡ଼ ମା ଜିବନ୍ତୁ ତେବାତାମାନାଡ଼ ମାରି ଝିଜୁଦିନ୍ତିଙ୍ଗ୍ ମା ୱାଲେ ତେବାନାଡ଼ ।

୩ ବୁବା ମାପୁରୁ ମାରି ଆୟା ବୁବାଦି ମାରିନ୍ ଜିସୁ କ୍ରିସ୍ତଦିମାଣୁକୁ ଦୟା, ଦୟା ମାରି ସାନ୍ତି ମା ୱାଲେ ସଡ଼ ନି ଜିବନ୍ନୋନିକା ତେବାନାଡ଼ ।

ସଡ଼ ନି ଜିବନ୍ନୋନିକା

୪ ମି କଡ଼ରି ମାଣୁକୁ ଏସଲୋକ୍ ମାପୁରୁଦି ମାଟାଇସାବ୍ତାନ୍ ସଡ଼ତାନ୍ ବୁଲ୍ଲାସାଲା କିଜିନିକା ୱେନ୍ଜି ନାନ୍ ନାଣ୍ଡ ୱେଡ଼ିକା ।

୫ ☆ଏ ନେଗି ଆଇମା, ମିଙ୍ଗ୍ ନାନ୍ ୱେର୍ନି ମାଟା, ମାଡୁ ନିଜେନିଜେଦିଙ୍ଗ୍ ଜିବନ୍ନୋଜିସାନିକା ମାନାଡ଼ । ନାନ୍ ଜେ ମି ଲାକ୍ତୁ ଇନି ପୁନି ମାଟା ରାସ୍ସିନା, ଆକା ସିଲେ, ମାତର୍ ପୁର୍ବେଦାନ୍ନେ ମାପୁ ଇୟା ଆଦେସ୍ ପୟ୍ତା ମାନାପ୍ ।

୬ ଆମା ଜିବନ୍ନୋନି ମାଟା ଇବେନ୍ ନାନ୍ ୱେର୍ସିନା, ତାନି ଅର୍ଡ୍ ଆଜିନାଡ଼, ଜିବନ୍ତୁ ମାପୁରୁଦି ମାଟା ମାନାନିକା । ଆୟା ମାଟା ଇନିକା, ମିରୁ ପୁର୍ବେଦାନ୍ନେ ୱେର୍ଇମାନିଦେର୍, ଆକା ଆଜିନାଡ଼, ମାଡୁ ଝିଜୁଲୋକୁ ନିଜେନିଜେଦି ଉଣ୍ଡିଙ୍ଗ୍ ଜିବନ୍ନୋଜିସାନିକା ମାନାଡ଼ ।

୭ ନାନ୍ ଇକା ଇଜିନା ଇରିଙ୍ଗ୍ ଆମାକାର୍ ଜିସୁ କ୍ରିସ୍ତ ସାତାନ୍ନୋ ଲୋକା ମେନ୍ଦଲ୍ତାନ୍ ୱାତାମାନାନ୍ ଇଜି ମାନାଏନ୍, ଇୟାଞ୍ଜା ଗାଦିଲୋକ୍ ବାୟାକିନିକାର୍ ଜଗଡ଼ତୁ ସତା ୱାତାମାନାର୍ । ଇୟାଞ୍ଜା ଲୋକୁ ପୁରାସଡ଼ ବାୟାକିନିକାର୍, ୱାନ୍ କ୍ରିସ୍ତଦି ସାଡୁ ।

୮ ମିରୁ ଏଣେସ୍ ମା କିତିମାନି ପାଣିଦି ପଲ୍ ଆରାକିଏଣ୍ଟା ବରଂ ଆବେଣି ପୁରାବତ୍ ପୁରସ୍ସାର ପୟ୍ତୁ, ଆୟାଉଣ୍ଟିଙ୍କ ନିଜେ ନିଜେଦି ବିସୟତାନ୍ ଜାଗରାତା ମାନୁ ।

୯ ଏନ୍ଆପିନ୍ କ୍ରିସ୍ତି ସିକିୟାଦି ଆୟା ଲୋଇ ତେବାଏଣ୍ଟା ଆକା ନାଜି ସୋନାନ୍, ଖାନ୍ ମାପୁରୁଙ୍କୁ ପୟ୍ଏନ୍; ଏନ୍ ସିକିୟାଦି ଲୋଇ ତେବାନାନ୍, ଖାନ୍ ବୁବା ନି ମାରିନ୍ ରିଏରିଙ୍କ ପୟ୍ତା ମାନାନ୍ ।

୧୦ ଏନ୍ ଜଦି ଇୟା ସିକିୟା ଆସ୍ଏଣ୍ଟା ମି ଲାକ୍ତୁ ଖାନାନ୍, ଆରତିଙ୍କ ଖାନିଙ୍କ ମି ଇନ୍ତ୍ର କୁକ୍ମାର୍, “ନି ସାନ୍ତି ଆପିତ୍” ଇଜି ଝେରସି ଖାନିଙ୍କ ନମସ୍ସାର୍ କିମାର୍ ।

୧୧ ଇରିଙ୍କ ଏନ୍ଆପିନ୍ ଖାନିଙ୍କ ନମସ୍ସାର୍ କିନାନ୍, ଖାନ୍ ଖାନି ତାଗ୍‌ଇପାଣିଦୁ ମିସାନାନ୍ ।

ସାରାସାରି ମାଟା

୧୨ ମି ଲାକ୍ତୁ ଗାଦି ବିସୟ ରାସ୍‌ନିକା ମାନାଡ୍, ମାତର୍ କାଗଜ ନି ସିରାଦାନ୍ ଆୟାଞ୍ଜିକୁ ଇଲେଇ ନାନୁ ଝେରତେଙ୍କ ଇଚ୍ଛା କିଏ; ନା ଆସା ମାନାଡ୍ ଜେ, ମି ଲାକ୍ତୁ ଖାଜି ସାମନାସାମନିଦାନ୍ ଖାର୍‌ଗିଜିସାନାର୍, ଆକା କିଦେଙ୍କ ଆଟିଙ୍କ ମାତୁ ଝେଡିକା ପୁରା ଆନାଡ୍ ।

୧୩ ମି ଲାଡ୍‌ତି ତାଙ୍କୁ କି କଡ୍‌ର୍ ମିଙ୍କୁ ନମସ୍ସାର୍ ଜାଣେ କିଜିନାର୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Language of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 19 Dec 2025 from source files dated 7 May 2025

506ae627-08e2-556a-b39e-5315f886d95a